

րում, կանգ է առնում մտածկոտ մարդկանց ուսի ետև կամ կատաղի պար պարում չինչըրկոյ ոսկորներով, այլ զբաղարի արկղից հանած կամ լախոտիպի հալած կապարից կազմած երեք գիրեր, արագորէն նետուած միլիոնաւոր ուրիշ գրերի մէջ:

Տ. Օ. Տ. յայտնում է անթելը եւ նիւ Եորքի օդային ցնացքում նստած մարդիկ, Բրօքուէլի վաճառականները, Պեկինի շինացին, Ղամարլուի գիւղացին, Ֆլօրիտայի պարտիզպանը, Փարիզի մետրոյում ճամբորդող մտահոգ ֆրանսացին, մի վայրկեան իրենց դոյնը նետում են, պարապ աչքերով մէկ մէկի նայում ու ջլայնորէն սեղմում իրենց ձեռքերը:

Եւ գիշերը, երբ այդ մարդիկ՝ յոգնած եւ մտադրաղ՝ կուչ են գալիս անկողինների մէջ իրենց մինակեութեան հետ, Տ. Օ. Տ.-ը կամացուկ դուռը բաց է անում, աննշարեկի կերպով ներս մտնում եւ մութ կանանց լոյսի նման կոպերի տակ ընկնում:

Մարդիկ վախում են անհետացումից:

Մինչ իրականի մէջ անհետացում չկայ:

— Ուզում ես անպատճառ գնալ Դէ Վինչիի

Cena-ն տեսնել: Աւելորդ է, բարեկամ:

Լեօնարդօն զժբախտաբար որմանկարական փորձեր էր անում, նոր գիւտեր, դոյների նոր բաղադրութիւններ, պատը ծեփելու իբր թէ իր ուրոյն միջոցներ էր գտել, եւ հետեւանքը եղաւ այն, որ դարերի շրջանին ամէն ինչ փչացաւ: Գոյնները պոկուել են, գծերը աննշարեկի են, գրեթէ ոչինչ չի երեւում: Պիտի հիասթափուես եւ աւելի լաւ է չգնաս, — ասում էին ինձ Միլանում իմ բարեկամներս:

Յիշում եմ բախտաւոր այն օրը:

Չլսեցի բարեկամներին եւ ներս մտայ փոքրիկ եկեղեցու այն դահլիճը, ուր քանի՜ տարիներ աշխատել էր վարպետը:

Պատի վրայից հրավառ դոյները չէին եւ ոչ գեղեցիկ զծաւորումները՝ ամէն ինչ թուշած, պոկուած եւ անորոշի վերածուած էր՝ որ խօսում էին աչքերիս, այլ հոգեկան մի ինչ որ անբացատրելի մթնոլորտ, որ անմիջապէս պատեց ինձ, անձայն մի երաժշտութիւն, յամբ մի երգ, որի հետ անմիջական հաղորդակցութեան մէջ մտայ:

Ներկայ էր ինքը Լեօնարդօն, կանգնած

կեանքի կարեւոր այն կենդրոնում, ուր դոյնը եւ գիծը, ուր խօսքը եւ ձեւը, անկարող են արտայայտել՝ որովհետեւ արտայայտելը բաժանել ասել է, մասնաւորել, ընտրել՝ ա՛յն ինչ որ ամենաէականն է, ինչ որ միութիւն է, ամբողջութիւն եւ ուր կեանք եւ մահ միացած են:

Ու ահա, որմանկարը մեռել էր, իսկ մնացել էր էականը: Վայր էր ընկել ձեւը, թառամել էին դոյները, իսկ ոգին կենդանի էր եւ լուսաւոր, ինչպէս ամպերի տակ ընկած արեւի լոյսը:

Երբ դուրս եկայ, կարծես շատ բարի մի ոգի ձեռքիցս բռնած տանում էր ինձ երանելի մի երկիր: Լեցուն էի մանկական թարմութիւնով: Ամէն ինչ նոր էր եւ գեղեցիկ:

Տեսնել ամէն ինչ այնպէս, ինչպէս առաջին անգամ:

Լուում է միտքը, լուում են զգացումները եւ մեզ խօսում է մի ինչ որ ուժ, որը մեր մէջն է եւ միեւնոյն ժամանակ մեզանից դուրս է: Այդ ուժը՝ չնայած որ քիչ առաջ վտանգը յիշողութեան մէջ իր բազուկները վեր էր բարձրացրել՝ հիմա նորից թաւալ է գալիս մենակեաց ծովի հետ, ծառերի հետ սարսուռ է, տերեւների դանդաղ մահը հասկանում, տուների լքուած արձանները ընդգրկում ու կղզու սահմանները անցնելով, մեծ ալիքի նման ծփում է անեղր մի երկրում:

Քամին իր շրթունքների վրայ սառույց է քսել: Քայլերս արագացնում եմ:

Ի՛նչ լաւ է այդպէս:

* * *

Եւ չեմ տեսել Ալիշանին:

Բայց ամէն անգամ երբ նաւից իջնում եմ Սուրբ Ղազար, փայտէ սանդուխների վրայով բարձրանում եմ վեր եւ մտնում պարտէզ, փոքրահասակ մի ծերունի վարդապետ, ձիւնի նման ճերմակ մօրուքով, նիհար, մի քիչ կուչ եկած, ձեռքերը սեղմած կրճի վրայ, մեծ, վարազուրուած բայց վառվռուն աչքերով, շուքի նման, անցնում է ծառուղիից, սահում բարձր նոճիների տակ եւ անհետանում:

Յետոյ անցնում եմ, աչքերս հոռուները ման ածելով. կանգ առնում ջուրի մէջ թառած դողդողացող պատուհանների առջեւ. երազկոտ, մտահոգ մտնում եմ վանք ու մի վայր-